

- 1★ چیف آف اِئر سٹاف اِئر چیف ما رشل اے پی سنگھ نے وزیر اعظم نریندر مو دی سنگ ملاقات کی ہے۔
- 2★ لیفٹنٹ گورنر منوج سنہا نے اج سرینگر بین القوامی ہوائی اڈھ وروں عازمین حج غا پہلا قافلہ نانہہ چنڈی دس غے سفرِ محمود ور روانہ کیو۔
- 3★ وزیر اعلیٰ عمر عبداللہ نے سرینگر بین القوامی ہوائی اڈھ ور عازمین حج غا پہلا قافلہ نانہہ الوداع کہیو ہے۔
- 4★ ضلع رام بن مانہہ فوج غی گڈی ڈنگی کھائی مانہہ جا پئی ہے۔ جس غا نتیجہ مانہہ 3 اہلکار ہلاک ہو گیا ایں۔
- 5★ تے قومی ٹیسٹنگ ایجنسی نے اج انڈرگریوٹ نیٹ ٹیسٹ 2025 منعقد کرایو۔ جس مانہہ 51 ہزار 5 سو 10 اُمید واراں نے جموں کشمیر تیں شرکت کی ہے۔

خبراں غی تفصیل نال پہلاں باغ علی طاہر۔

PM ACM

فضائیہ غا سربراہ اِئر چیف ما رشل اے پی سنگھ نے اج وزیر اعظم نریندر مو دی سنگ ملاقات کی ہے۔ یاہ ملاقات پہلگام دہشت گردانہ حملہ تیں بعد بھارت تے پاکستان بشکا ر جا ری تناؤ غے دوران ہوئی۔ اس ملاقات بارے ذریعہاں نے مزید جانکا ری نہیں دتی ہے۔ اس توں پہلاں بحریہ غا سربراہ چیف ایڈمیرل دینیش کے تریپاٹھی نے وی کل وزیر اعظم سنگ ملاقات کر غے اُن نانہہ بحرِ عرب غا اہم علاقہ مانہہ مجموعی صورتحال تیں واقف کرایو تھو۔

LG Haj Pilgrims

لیفٹنٹ گورنر منوج سنہا نے اج سرینگر بین القوامی ہوائی اڈھ تیں جموں کشمیر غا عازمین حج غا پہلا قافلہ نانہہ چنڈی دس غے سفرِ محمود ور روانہ کیو۔ لیفٹنٹ گورنر نے اِس موقع ور عازمین حج غا سفر غی آسانی تے قبولیت حج غی دُعا کرتاں واں نیک تمنا غو اظہا رکیو۔ اُنہاں نے اِس موقع ور بولتاں واں جموں کشمیر یوٹی مانہہ آمن خوشحالی تے تمام لوکاں غی پہلائی بہتری غی وی دُعا کی۔ عازمین حج غا اس

قافلہ مانہہ گُل 1 سو 78 افراد شامل ہیں، تے یاہ پرواز براہ راست سعودی عرب روانہ کی گئی ہے۔ واضح رہے اس سال جموں کشمیر یوٹی تیں کو ئے 3 ہزار 6 سو 22 افراد حج غو فریضو ادا کریں گا۔ آج یعنی 4 مئی تیں 15 مئی توڑی عازمین حج نانہہ لے غے 11 پرواز سعودی عرب روانہ ویں گی۔ تے اس راہ جموں کشمیر یوٹی تیں ان پروازاں غے ذریعے 3 ہزار 1 سو 32 جد کہ لداخ یوٹی تیں 2 سو 42 عازمین سفر محمود ور روانہ کیا جائیں گا۔

CM Haj Pilgrims

وزیر اعلیٰ عمر عبداللہ نے آج سویرے عازمین حج غا پہلا قافلہ غی روانگی ور عازمین نانہہ اپنی نیک خواہشات پیش کرتاں واں اُن غا محفوظ سفر تے حج غو فریضو آسلوبی سنگ ادا کرن غی تمنا کی ہے۔ وزیر اعلیٰ آج سویر شیخ العالم بین القوامی ہوائی اڈہ ور پُجیا، جت اُنہاں نے روانگی تیں پہلاں عازمین حج سنگ ملاقات کی۔ عازمین حج سنگ اپنی ملاقات غے دوران اُنہاں نے اُن غی بہتر صحت، تے خوش آسلوبی سنگ حج غی آدائیگی غی دُعا کی۔ اُنہاں نے عازمین حج نانہہ جموں کشمیر مانہہ دائمی آمن غا قیام، خوشحالی تے ترقی واسطے دُعا کرن واسطے کہیو۔۔ بائٹ۔۔

Rana EMRS

قبا ئلی لوکاں غی تعلیم نانہہ مضبوط کرن غی کوشش غی خاطر کا بینہ وزیر جاوید احمد رانا نے اکلویہ ماڈل ریزڈنشل اسکول بہرا پونچھ مانہہ بنیا دی ڈھانچہ پروجیکٹاں تے تعلیمی سرگرمیاں غو اک جامع جائزو لیو ہے۔ وزیر نے عہدیداراں نانہہ ہدایت جاری کیں جے اداراں مانہہ ہنگامی صورت مانہہ کم آن آلی چیزاں سمیت بجلی تے پانی غی بلا خلل دستیابی نانہہ یقینی بنایو جائے۔ وزیر موصوف نے ضلع انتظامیہ نانہہ تمام تعلیمی بنیا دی ڈھانچہ پروجیکٹاں غا کم کاج مانہہ پیش رفت غو نزدیک تیں معائنو کرن واسطے کہیو تا نچے یہ پروجیکٹ ویلا سر مکمل کیا جا سکیں۔ اُنہاں نے خطہ مانہہ قبائلی بچاں واسطے تعلیم غا سلسلہ مانہہ معیار سہولیات مہیا کران با رے موثر طریقہ نال عمل آوری غی اہمیت ور زور پایو۔

Reasi Catch the Rain

جل شکتی ابھیان ”کیچ دا رین 2025“ غے تحت جا ری صفائی تے دیکھ بھال غی مہم غا اک حصہ غے طور ور ڈپٹی کمشنر ریا سی ندھی ملک نے پانی غا ڈھانچاں غی صفائی تے دیکھ ربکھ غا کماں غا جائزہ غی خاطر کئی جگہاں غو دورو کیو۔ 1 مئی 2025 تیں شروع ہوئی ہفتہ پھر غی اس مہم غے دوران ریا سی غا

تمام 12 ہلاک مانہ پانی غا پھریا جان آلا ڈھانچاں، روایتی آبی ذخائر تے ذخیرو کرن آلا ٹینکاں غی صفائی تے دیکھ بھال ور توجہ مرکوز رہی۔ ڈپٹی کمشنر نے پانی غا پائیدار تحفظ نانہ فروغ دین واسطے اس قدم غی اہمیت نانہ اُجاگر کرتاں واں اس طرح کہیو۔۔بائٹ۔۔

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو با ٹل (ایپ تے ڈی ٹی ایچ ور وی دستیاب ہیں

Ramban Accident

ضلع رام بن مانہ اج اک سڑک حادثہ مانہ 3 فوجی اہلکار ہلاک ہو گیا ایں۔ یوہ حادثہ بیٹری چشمہ غے نزدیک جموں سرینگر قومی شاہراہ ور سویرے ساڈھا 11 بجے پیش آیو۔ دسیو گیو ہے جے فوج غواک ٹرک جموں تیں سرینگر جا رہیا فوجی گڈیاں غا قافلہ مانہ شامل تھو، تے یوہ ٹرک شاہراہ وروں تلک غے 7 سو فٹ ڈونگی کھائی مانہ جاپیو۔ جس غا نتیجہ مانہ ٹرک مانہ سوار 3 فوجی اہلکار موقع ور ہی ہلاک ہو گیا۔ حادثہ غے فوراً بعد فوج، پولیس، ایس ڈی آرایف تے مقامی رضاکاراں نے سانجھا طور ور بچاؤ کا روائی شروع کی تے ہلاک ہوا 3 فوجی اہلکاراں غی لاش برآمد کی گئیں۔ جن غی پچھان سپاہی امیت کمار، سرجیت کمار تے مان بہا در غے طور ور ہوئی ہے۔

بُن خبر ویویز سمیلن تیں۔۔۔۔

Waves X

ویویز مانہ کا روبا ر مانہ بابدو کرن غا اک پروگرام ”ویویز ایکس“ غی طرفوں قریب 15 کا روبا رں واسطے رقومات مہیا کران غی اُمید ہے۔ آئی اے ایم اے آئی غا چیف گروتھ آفسر سندپ جھنگراں نے دسیو ہے جے ویویز ایکس واسطے بکھ بکھ کا روبا رں غی خاطر کُل اک ہزار درخواست دتی گئی ایں۔ جن وچوں ویویز مانہ سرمایہ کاراں غے باندے قریب 30 درخواست دہنداں غا خیالات متاثر کُن رہیا ایں۔ اُنہاں نے دسیو ہے جے اس توں علاوہ قریب 110 کا روبا ریاں غی طرفوں ویویز غی پویلین مانہ اپنا خیالات پیش کیا جا رہیا ایں، تے اُن غی طرفوں وی گُجھ رقومات مہیا کران غی اُمید ہے۔ ویویز ایکس غا نوڈل آفسر آشو توش مو ہلے غو کہنو ہے جے اس کا میابی نال ویویز ایکس، ویویز سمیلن غے بعد وی جا ری رہے گو۔

نیشنل ٹیسٹنگ ایجنسی این ٹی اے نے آج مُلک پہر مانہ 5 ہزار تیں متا مرکزوں تے مُلک تیں باہر 13 شہراں مانہ قومی اہلیت غو اینٹرنس ٹیسٹ انڈرگریجوٹ نیٹ 2025 منعقد کیو۔ اس امتحان واسطے 22 لکھ 70 ہزار تیں متا اُمیدواراں نے اندراج کرایو تھو۔ جموں کشمیر تیں 51 ہزار 5 سو 10 اُمیدواراں نے یوہ امتحان دتو ہے۔ جموں کشمیر یوٹی مانہ مذکورہ امتحان واسطے 1 سو 28 امتحانی مرکز جموں، سانبہ، اُدھم پور، کٹھوعہ، سرینگر، انت ناگ، با رمولہ، بڈگام، کپواڑہ تے پلوامہ مانہ قائم کیا گیا تھا۔ ان امتحانی مرکزوں مانہ حفاظت تے شفافیت قائم رکھن غا سلسلہ مانہ متعلقہ عہدیداراں نے سی سی ٹی وی نگرانی نظام نسب کیا جان سمیت دوجا کئی انتظام کیا وا تھا۔

LoC Firing

جموں کشمیر نال لگتی قبضہ لکیر ور گزشتہ رات پاکستانی فوج غی طرفوں کی گئی گولہ با ری غو بھارتی فوج نے موثر جواب دتو ہے۔ دفاعی ذریعوں نے دسیو ہے جے پاکستانی فوج نے کپواڑہ، با رمولہ، پونچھ، راجو ری مینڈھر، نو شہراہ، سُنڈربنی تے اکھنور علاقہ نال لگتی حد متا رکہ ور لوہکا ہتھیاراں نال بلا اشتعال گولہ با ری کی تے بھارتی فوج نے اس گولہ با ری غو مناسب جواب دتو ہے۔

Ramban PMAY

ضلع انتظامیہ رام بن ضلع غا دیہی علاقوں مانہ پر دھان منتری آواس یوجنا پی ایم اے وائی نانہ موثر طریقہ نال نافذ کر رہی ہے۔ اس اسکیم پر دھان منتری آواس یوجنا گرامین غے تحت اک گھر غی تعمیر واسطے 1 لکھ 20 ہزار روپیہ مالی امداد دتی جائے تے درجہ فہرست ذاتاں، درجہ فہرست قبیلوں تے اقلیتاں وغیرہ نانہ اس اسکیم فائدو ترجیح بنیاداں ور توجہ دتی جائے۔ پر دھان منتری آواس یوجنا اسکیم غو فائدو بکھ بکھ زُمران مانہ 18 لکھ روپیہ تک غی سالانہ آمدن آلا کُنباں واسطے دستیاب ہے۔ اس دوران کھر کوٹھا بنان واسطے قرضہ 2.67 لکھ سبسڈی غی رقم کریڈیٹ نال جُڑی سبسڈی اسکیم سی ای ایس ایس غے تحت مہیا کرائی جائے گی۔ اس با رے گل کرتاں واں ضلع رام بن غا اے سی ڈی سری ناتھ سُمَن نے جانکا ری دتی۔۔ با ٹ۔۔

Mission Youth Scheme

نوجوانان نانہہ با اختیار بنان تے کاروبا ر غی ترقی غا اک قدم غے طور ور ضلع سطحی عمل آوری کمیٹی
ڈی ایل آئی سی نے ڈی سی کشتواڑ راجیش کمار شون غی صدارت مانہہ مشن یوتھ غا بکھ بکھ زمران غے
تحت 67 نواں معاملن نانہہ منظوری دتی ہے۔ اس سلسلہ مانہہ 35 معاملہ ممکن اسکیم، 8 تیجسونی
تے 24 معاملہ ایس ای آئی غے تحت منظور کیا گیا ایں۔ ان اسکیمان غے تحت نوجوانان نانہہ مالی، پُتر
غی ترقی تے بنیا دی ڈھانچہ واسطے مالی امداد دتی جائے۔
